

der Stadt und Amt Lünen.

243

welker tweyer schillinge Unse Richter sal horen den helfften deel und dey ander helffte dey Raitlude er Wybholde tho beteren.

17. Item, wert dat eyn Gast eynen andern Gast yn dem Wybholde Lünen vorscreven, wyl vredeloef leggen, eder myt der Wapenen beschryen, unse Richter dairsulves en sal nicht den vredelosen, beschryeden ghescheden Gast weder setten in syn Recht, ten sy so vele, dat dey Raitlude dairsulvens ton eirsten hebben eyn Ghelt, dat yn dat gemeyne gehenten ys eyn Borchemmer Wyns, dat so guet ys als eyn und twyntich Pennynghen; Densulven Summen sal ock gelden dey Gast dey den andern Gast let vredeloef leggen, der vorscreven Raitluden.

18. Item dat dey Borgher des vorscreven Wybholdes tho neynes Hoegreven offte to eynes anderen Werliken Richters negentwordichent mogen werden, mer tho unser negentwordichent off Unsr Raetomelingen vor dem sey Rechtes schuldig synt tho staende.

19. Wert dat eyn Borgher van Lünen vorgescreven Lant winne der eyn vor schult, eder vor Gelt, und dat Lant jair und dach underbest und opbort sunders eymandes bespreeck, deyselve Borgher mach dey Wette des Landes betügen und behalden myt syner eghenen Hant.

20. Item, Wy wollen dat dey Menschen, dey borich synt dem Münster tho Cappenberghe, wonhaffrich tho Lünen, hebn und brufen sullen dessulver vorgescreven Rechtes, ynd Overdrachtes war op Wy dem vorscreven Monster, Unse bestiegelde Brievē gegeben hebt.

21. Bortmer hebbe Wy Unsen lieven Borghern des Wybholdes Lünen und eren Raetomelingen, gegeben und geven alle Recht, also Unse lieve Borgeren und Stat thom Hamme hebn und vorwerven moghen tho al düssen vorscreven Rechte.

Yn welck schichte und tuech Wy hebn unse Siegel doen hangen an düssen Brieff, dair over und ane weren, ind dyt gescheyn ys, Hynrich van Wyckede, Rytter, Herman van Pentlynck Rytter, und tho der

IV. Theil.

D

Unse